

Fiscal y Hues a keda satisfecho cu logro

Reclasering a logra trece cambio den mucha di 15 aña cu a participa den atraco cu violencia

E hoben a wordo manda GOG na Curacao y awe e tin diploma

ORANJESTAD – Hues a aplaudi e hecho cu Reclasering a logra trece cambio den e hoben Howard Haynes, kende tabata envolvi den un atraco cu violencia na 2005. Howard ayera a presenta den Corte diferente. Awor e ta un hoben cu tin diploma di welder y e ta dicidido di traha.

Hues ta haya cu Reclasering mester publica esaki den nan relato di anja como un logro cu ta di aprecia. Den sala di Corte tabata presente e mama di Howard y un empleado di Reclasering, kende ta esun cu a traha e raport riba Howard.

E caso aki a wordo trata

anteriormente pero Fiscal a pospone tratamento di e caso pa mira si lo por bin cambio den e comportacion di Howard y awor e ta contento di mira cu a logra esaki.

MUCHA ENVOLVI DEN ATRACO ARMA

Howard ta wordo acusa cu dia 14 November 2005, e tabata complice di atraco cu violencia na un negoshi na Pos Chiquito. Howard a pidi un cuminda y a keda vigila como parti di e atraco. Howard a admiti di a comete e delito. Hues a mostra cu aki ta trata di un caso serio pero cu un periodo largo transcuri. E tempo ey Howard tabatin 15 aña. Fiscal a pidi pa eherce plannan cu Howard. El a bay GOG na Curacao caminda el a bay school y mester a traha na Shell. El a logra haya su diploma di welder. Reclasering den su

raport a splica con tur cos a bay desde 2006 y cu tur cos a bay bon.

EXIGENCIA

Fiscal a bisa cu e tempo aya el a bisa cu e lo tene cuenta si Howard sigui instruccionnan di Reclasering.

E ta kere cu a logra e meta cu Howard. Sinembargo e caso ta serio y no por hala e caso aden mas.

Ta asina cu Howard e tempo aya a keda 10 dia sera y Fiscal a exige esaki como castigo di prison y e 50 florin cu Howard a haya pa su trabounan, Fiscal a exige como multa.

SENTENCIA

Hues ta haya legalmente proba cu Howard ta complice di atraco cu violencia pero ta bay di acuerdo cu e exigencia di Fiscal. Hues ta haya cu e

relato aki lo mester forma parti di e relato annual di Reclasering como un plan exitoso con por yuda hoben cambia di mal caminda pa e bon caminda.

Lamentable ta cu door di e caso aki, Howard ta haya un carchi di castigo. E ta kere cu si Howard por haya problema pa haya trabou, lo por referi na Reclasering pa splica un ke otro. Fiscal a bisa cu lo coopera den duna carta di bon conducta.

SIRLOIN STEAK \$9.99



AVAILABLE DAILY 11AM - 7PM



Champions Sports Bar & Restaurant is located at Marriott's Ocean Club, L.G. Smith Blvd 99, Palm Beach. Tel: 520 6985.

Side orders not included. Not valid in combination with other promotions. Valid from 11am - 7pm. Service charge and tax are not included in the price.



Comishon di Mayor hunto cu team di Scol Basico Washington ta invita henter comunidad na e apertura y subasta di pintura

ARUBA YEN DI COLOR

Fecha: Diabierna, Juni 12, 2009
Ora: 7:30 p.m.
Luga: Cas di Cultura - Expo Room

Disfruta y obtene obranan di arte crea door di alumnonan di scol di edad 6 te cu 13 anja. Diasabra, Juni 13 exhibicion lo ta habri entre 1 te cu 4 or di atardi.



"FAVI FUNDACION CU VISION"